

嘉慶直隸太倉州志

直隸太倉州志卷四十三

人物

列女二

太倉州

國朝

黃若字若芝翼聖女適楊玠若芝少仿文淑畫翎毛花
草人爭購之及寡遂不復作削髮奉佛守節四十三年
顧氏龔蔚文妻夫歿視殮畢日夕哀慟勺飲不入鄰媼
勉以撫孤氏曰有祖及叔孤兒何患數日死

錢氏趙德基妻婚數月德基歿氏年十九投繯者再以
姑救不死遂長齋守志順治二年舅翁死於兵氏盡鬻

衣飾以殮併其夫葬之紡織養姑嗣子逋糧被禁鬻所
居以出之

王氏徐澆妻幼極孝澆歿氏年十九嗣子又夭矢志彌
厲或欲強娶之氏聞自經死

朱重貞少讀史輒喜節孝事適崑山張咸爲繼妻撫前
妻子如己出年二十七咸歿族黨構彙氏詣咸柩前斷
指自誓後子夭以姪爲嗣營窆窆躬親負土有悼亡詩
十首世頗傳之御史梁某推官單給節孝可風斷臂遺
風兩額

徐氏夏永昌妻嘗割股療姑疾

凌氏許字顧振宗振宗歿女年二十三奔喪視殮成服

爲夫置嗣年二十四卒

王氏名貞徐汝信妻年二十七汝信病革氏許以身殉
汝信曰汝誠殉姑俟五年而後及卒貞歸依父母坐卧
一小樓繾綣自給一日將午炊攜米從樓下奴舉手欲
接之反走上樓其持躬嚴謹如此每晚臨卧解藕覆置
几上祝曰死者誠有知念我鼠當銜此去久之父欲奪
其志一夕鼠果銜去氏喜謂妹曰夫以五年約今期屆
矣是夕懸夫像端服自經

楊氏周正女年十五許字蘇州張皖皖歿氏矢志守貞
卒年五十二

凌氏年十五母病晝夜侍湯藥母歿麻經不去身日夜

號慟四載哀毀卒

李氏許字黃繼姚年十九繼姚歿奔喪視殮畢自經者再
再以免父兄諭之曰汝當代亡夫事舅姑撫繼嗣方合大義
曷爲舍難就易遂從命不死已而嗣子仲康氏喜且悲詣柩
前引刀斷一指置諸筵泣誓曰所不竭心力以成此子者如
此指及舅歿殮畢猝然曰吾可從夫地下矣躍入井里婦統
而出之後爲舅姑營葬祔以繼姚爲仲康聘室逾年省墓顧
仲康曰吾事畢矣頃之人見氏倚樹而立久不移逼視之已
絕脰死矣色如生距繼姚歿二十一年

顧氏王鳴謙妻年二十夫亡無子謹事舅姑每食必呼

鳴謙曰飯在是焚楮作禮撫棺慟哭如初喪年四十四卒

杜氏龔某妻年二十四夫亡無子女所居以葦席蔽風雨一幼弟給使令人罕見其面知州白登明欲旌其門却不受曰窮鄉嫠婦祇期自守不敢望大夫知也卒年七十二鄰里醵錢以殮葬

郭氏黃柱國妻夫歿撫孤炯成立守節五十四年知州白登明給矢柏和丸額

顧氏張旦妻夫歿撫孤舜年守節三十四年學政給幽谷貞蕤額

陸氏王發祥繼妻婚四年生子接武發祥赴選需次卒

於京邸計至氏慟絕浹日始甦時接武方六歲課極嚴
康熙十一年前妻子吉武登鄉榜氏喜旣而潛然視接
武曰今而後藐孤有託矣閤戶自經死年二十九

孫氏李山妻年十七而寡家貧無嗣每食置飯柩前事
山如生有所需屬鄰媪買之足不越戶限或貸以田十
畝令耕辭曰吾命固爾未亡人不敢當人惠也守節五
十餘年卒

王氏年二十二方炯西聘爲繼妻炯西歿氏奔喪成服
訓前妻所生二子成立卒年三十七

王氏揚州人陳策爲繼妻策爲病託孤於前妻兄郭澥
及死宗黨逼嫁氏誓死歸依父母復逼之仍往依澥艱

吾備至守節五十五年子明發亦成立

俞氏葉省愚妻夫歿家貧撫孤起鳳起麟比長起麟偶得遺金百兩攜歸氏令物色還之守節五十五年

張氏俞允妻年二十八夫亡值鼎革兵火流離卒教子成立次子天錫貢生

翁氏蘇州人適郁子宜夫亡子女各一女適望族氏弗往也守節四十六年

曹氏聞大夏妻年十九寡孤師閔旣長而天氏葬舅姑及大夏師閔四棺撫諸孫爲之婚娶守節六十四年
項氏呂道灼妻早寡織紉自給撫嗣子守節年七十二卒

郭氏徐增妻與黃柱國妻爲女兄弟年二十七寡守節
子三錫娶柱國女年十七三錫死奉姑數十年盡孝姑
歿典鬻營葬守節五十餘年

錢氏黃士麟妻兵燹家毀士麟憤卒子至道甫八歲婢
唐氏生子至德同年兩婦相依撫孤守節各二十餘年
朱氏顧曦仲妻早寡撫二孤天龍天章俱成立守節六
十年

王氏龔秉正妻夫歿撫三歲孤良賁成立守節六十年
蘇氏陸祖齡妻年二十五夫亡家貧事舅撫孤艱苦終
身年四十一卒

聞氏顧唐垓妻夫歿事舅盡孝撫孤子成立

邵氏呂錫元妻夫歿遺五孤俱教養成立又爲族人欺侮遷徙無常至十餘里始克寧居守節五十四年

浦氏邵孝生繼妻夫歿早夜操作積貲葬夫及大父母以下五喪

姚氏方德球妻夫歿嗣子又夭依孀孀亡亦無子與孀女同居守節六十餘年

何氏應猷志妻年十九而寡撫孤方浩爲諸生事舅盡孝營葬五喪

以上順治年間

周氏凌元佐妻年二十七而寡撫孤必言及遺腹孤必行後必言爲諸生

邵氏仇士鳳妻夫歿子文進始生氏以女紅自給守節四十餘年署州學崇明縣訓導張榮給淑慎性成額

施氏曹騰遺妻守節三十年

呂氏沈起雲妻撫孤士鑣守節四十三年

曾氏曹起之妻年二十七而寡家貧依父習耕作以食其子

管氏吳允昇妻年二十八允昇病革氏欲殉允昇曰事固有太於死者徒死何爲復睨二子曰吾終以藐茲累若矣氏針黹自給備歷荼苦撫二孤成立長廷顯以孝聞嘗刲股療氏疾

周氏陳廷珪妻夫歿無子舅姑欲嫁之不從守節三十

六年廷珪有妹適凌廣成早寡孤洪甫三歲與嫂周氏同居守節三十三年

陸氏李士鳳妻夫亡無子族人欲奪其志不從葬舅及夫守節三十七年署州學崇明縣訓導張榮給節冠一鄉額

崔氏舉人華女凌增妻夫亡事舅姑孝平居屏服御不茹輦畢力操作三十餘年卒

邢氏崔龍光妻夫亡無子氏祖將復嫁之觸柱死

張氏胡聲遠妻早寡撫孤采葭爲諸生事舅姑孝棄奩田營墓以葬守節四十七年

龔氏黃士昌妻夫歿遺腹生女舅姑欲改嫁之誓不從

生事死葬皆盡禮守節六十餘年

王氏陳瑞如繼妻早寡會潮災捐資濟衆存活甚多守節三十七年

汪氏吳超然妻年二十一而寡守節七十年

曹氏凌棟妻年二十七夫亡家貧舅姑衰老孤岳奇甫三歲喪葬婚娶皆取給於十指

陶氏胡璘筠繼妻夫亡撫子有周烈俱成立守節五十餘年

唐氏沈大昭妻年二十六夫歿奉舅姑撫幼孤歷十三年以療卒

方氏季惟哲妻夫歿卜地營葬撫孤龍益爲諸生守節

三十餘年

曹氏楊兆熊妻夫亡撫姪爲嗣并撫婢所生女事舅姑奉養喪葬俱與伯叔均任之守節三十餘年

錢氏張繼宗嗣母守節六十餘年

王氏毛周士妻年二十三而寡一女甫期遺孕五月伯欲奪其志矢死不貳既生男旦暮操作婚嫁既畢而卒周氏陶建侯妻夫歿家貧奉舅姑盡孝及歿殯殮如禮守節四十一年

王氏浦毅妻守節三十六年

顧氏浦球妻守節三十四年

孔氏陸星階妻家貧晝夜操作以供薪水婚二年夫亡

撫孤事親不辭艱苦守節二十八年

張氏字玉德祖我思雲南舉人棄官隱居太倉子球生
玉德許字黃承業而往家於合肥承業就婚未一載歸
省卒玉德聞之盥沐更衣自經死

王氏啟秀女守節十七年卒

郁氏顧光復繼妻夫亡撫孤衍成諸生守節四十四年
張氏錢坤妻年十七夫亡削髮奉佛守節四十八年卒
錢氏顧梅繼妻梅官咸陽知縣氏佐理多仁政梅歸田
一載而歿氏勤紡績課子煥爵爲廩生歷三十餘年煥
爵亦以孝聞梅有女性孝母病篤刲臂肉進之病愈時
梅從征貴州歸詢之知女療母事口占詩云老夫塞外

寢千日弱女閨中割股時一爲君兮一爲母赤心兩地
不相知聞者悲之後適王秉忠

黃氏汪標妻守節三十餘年撫孤文煥文燦俱成立知
州李某給孝節女師額

顧氏呂震廷妻夫亡無子削髮爲尼知州蕭應聘給獎
王氏龔武鎮妻年二十二而寡依嗣子兆嘉終其身知
州李某給清操勁節額

陳氏呂升明妻夫亡無子削髮爲尼知州蕭應聘給操
勵柏舟額

陸氏黃紹憲妻守節四十年學政給獎

張氏朱謙妻早寡撫嗣子雲武勤苦操作年八十卒學

政張元臣給女中丈夫額

吉氏顧之況妻夫亡撫孤士炎守節二十年知州蕭應聘給節孝聯芳額

閔氏孫世寧妻孫好賭博至凍餒舅忿欲置於死氏泣請始免世寧終不悛至無居室氏歸依其父未幾世寧誘人幼女售賣被執將鳴官世寧願以妻償氏聞之告父曰我欲省姑遂至姑所問安絕不言夫事夜半縊死年二十三知州給芳年貞烈額

吳氏杜蕃錫妻守節三十二年

許氏錢之壽妻撫嗣子孝養守節三十年

王氏錢學海妻婚一載夫亡時姑在堂遺腹生女紡績

自給奉姑二十八年孝養如一日姑歿喪葬盡禮嗣子
孫植娶婦旋卒復撫孫成立守節四十年

吳氏錢欽妻年二十四夫亡撫嗣子鴻績爲諸生守節
四十四年

薄氏錢孫慶妻守節二十七年

屠氏顧洽繼妻守節三十八年

陸氏顧樟妻守節二十五年卒

周氏陸洵妻守節三十年卒

李氏吳湧妻夫亡家貧湧弟沆妻朱氏亦早寡氏與同
居及歿朱爲市棺乃得殮人稱雙節李年六十五朱年
七十三卒

郁氏吳廷輝妻夫亡止存草房三間晝夜紡織上佐姑膳冬寒綿不蔽體而姑必歲添布帛姑歿卽典草房殯葬孤礪山殤撫姪孫世芳爲後守節四十五年

吳氏沈三妻夫亡租房一間奉姑同居藉女工度日守節終身

顧氏熊況繼妻舅鐸中風氏助夫奉湯藥及疾革焚香割股以進夫旋沒喪祭盡禮撫前妻所生三女如已出

以上康熙二十年前

王氏丁九成妻守節五十年

金氏陶才妻守節三十年

郭氏陶士英妻守節四十四年

曹氏陶子觀妻守節五十一年

郭氏陸隧妻守節三十五年

徐氏顧端立妻夫亡嗣子不克家依母弟學陂以居購地葬祖舅姑及夫柩守節五十四年

張氏陳士澤妻守節三十六年

曾氏錢樹德妻夫歿家貧無子亦無伯叔坐卧一小樓紡績度日以堂姪若煒爲嗣撫成歲貢守節四十六年

吳氏馬舜臣妻守節二十九年卒

陸氏蔣義民妻夫亡撫孤之超成諸生守節十六年卒

陳氏丁大妻姑有淫行欲汚之以滅口氏不從備受慘毒至斃

張氏淮安人贅太倉黃名山爲婿逾年名山歸省父母至家病危氏聞自經歿後十日名山亦歿

陸氏王元龍妻夫亡撫孤成立次子光照諸生守節十六年

王氏濮文煥妻文煥運漕道卒王年二十九撫二孤事舅姑生養死葬知州茹之增給額曰金石盟心知府陳鵬年亦給獎

時氏陳嘉繼妻夫歿孝事舅姑喪葬盡禮鄉里稱賢年六十七卒學政張榕端給女中豪傑額巡撫張伯行給才節兼全額

龔氏謝顯廷妻守節二十六年知州茹之增給節孝維

風額

王氏邵光龍妾光龍休寧人僑居太倉病卒孤學易學詩皆數歲流離播越賴以支持撫孤成立知州茹之增給節勵冰霜額年七十三卒

周氏陶建侯妻夫歿家貧氏奉舅姑盡婦道及歿殯殮如禮守節四十一年學政給節並嚴霜額

以上康熙四十年前

華氏凌坊妻坊卒氏慟絕復蘇者三紡績教孤燔讀書年四十四卒學政林之潛給冰霜苦節額

俞氏凌曰明妻年三十而寡遺孤三士錦士鈐士錫皆幼撫教成立比卒士錫已由拔貢生中雍正四年舉人

矣氏閻範嚴肅尤知大體臨終命立祭田學政林之濬給賢節貞操額

周鳳少祝髮於香象菴有尼與顧恩私適爲鳳見欲并強汚之鳳不從脅以刃鳳以石硯投恩不中遂被殺恩等謀昇屍近僧舍傍將發戶外輒如履聲竟夕卒不敢發及明事泄知州李珏寤治之恩及尼俱斃於獄衆毀菴瘞鳳棺焉後署知州王延熙詳請題其墓曰血凝白壁

盛氏朱安九妻早寡撫孤成立葬三世喪守節五十年徐氏張德秀妻早寡嘗往母家兄弟勸之改適怒歸終身再不往守節五十一年

朱氏錢天鑑聘妻年十八夫亡來歸定嗣守貞

孫氏嚴孝禮妻夫亡無子守節三十二年

宋氏郁元啟繼妻守節三十餘年

曹氏周瞻聘妻年十五瞻歿氏往視殮成服歸母家守貞三十年

趙氏年十八母亡父老弟幼自矢不字以供孝養歿撫弟侄成立年七十餘卒

王氏何洪聲妻夫亡無子守節四十餘年

李氏侯邦讓妻早寡撫遺孤長娶妻又寡姑媳相依守節各三十餘年

以上康熙六十年前

孫氏嚴倬妻夫亡無子饘粥不給守節三十八年

盧氏唐子政妻早寡舅姑欲嫁之密議婚氏覺黑夜抱兒走三十里逃歸母家守節三十餘年

李氏黃觀韶妻年二十三寡無子依母家紡績自給歲時往祭終身不懈

黃氏徐三錫妻年十七寡奉孀姑郭三十五年始卒與鬻營葬苦節五十餘年卒

呂氏吳壘妻

瞿氏馮家玉妻

王氏曹王臣妻夫亡家貧撫孤徵熊成諸生旋天依寡媳金氏年八十一卒

戴氏周廓如妻夫亡無子紡績度日事姑以孝聞守節六十餘年

顧氏孫景高妻年二十一而寡家貧事姑十四年孝敬如一日卒年四十二

金氏陸儀望妻夫亡事姑孝早夜紡績以供甘旨自食緒糠守節五十三年

王氏陸景宜妻夫亡引刀自刎以救免躬勤紡績孝養得舅姑歡心教孤宗義有義方守節四十五年

曹氏陸雄飛妻年十八而寡家貧無嗣事姑盡孝守節二十餘年

沈氏張勤學妻夫亡無子事姑至孝四十年無倦卒年

九十

曹氏方令美妻夫亡事舅姑養葬盡禮撫孤既長復天
依寡媳程氏職作餬口守節四十四年

金氏呂連清妻夫亡無子祭祀必親平日在房炊爨足
不踰閭守節三十七年

龔氏王海一妻夫亡事舅以孝喪葬盡禮撫嗣子成立
守節四十五年

王氏陸光朝妻姑病奉湯藥積久不怠夫亡欲殉諸親
勸以光朝無兄弟舅姑未葬乃強進飲食毀容茹素操
作營葬竣事而歿守節二十五年

朱氏顧煥妻夫亡紡績自守訓嗣子讀書得成立守節

三十六年

孫氏嚴焯妻早寡躬紡織以養舅守節三十一年焯弟聲揚妻孫氏二十五歲寡無子依嫂以居嗣侄瑚又天貧益甚間日一舉火冬無絮衣瑚妻俞氏亦同守節

張氏李泳藩妻早寡撫幼孤維德成立守節四十餘年浦氏徐廣繼妻夫亡撫二孤成立長金誌爲諸生學政張廷璐給節凜冰霜額守節四十二年

曹氏嘉定人許字尹伊歿守貞三十餘年臺司交獎呂氏曹用敷妻用敷以遊幕卒氏竭蹶迎櫬歸葬紡織養姑十八年撫孤瞻望成立年八十六卒

孫氏履中女性純孝守貞不字侍養終身尤嫻規矩鄰

里罕見其面親歿哀毀卒

侯氏熊衡山妻守節四十七年

王氏學飛女許字呂方裴年十八方裴歿過門守喪越二年哀毀成疾卒

周氏倪全妻早寡撫子女紡織度日居淺室比鄰從不聞其聲守節六十年

曹氏包允中妻夫亡事姑孝有叔負客逋姑憂幼子哭泣不安氏變衣飾代償以慰姑心紡織養姑且積貲買地葬夫年八十三卒

周氏義傳女年二十父以避侮遠出時弟舜年甫四歲祖父母俱老逾二年母歿遂矢志不嫁以事親撫弟爲

已任迨祖父卒竭力營喪旋令舜年出尋父知已卒乃扶櫬歸經營喪葬畢長齋奉佛依弟以終年七十九巡道朱某給純孝永貞額知州貴中孚給貞孝完人額呂氏吳堅妻夫亡家貧無子守節四十二年

王氏鎮海衛陳氏僕殷二妻二歿矢志不嫁爲陳役不憚勞一日微疾延庸醫珍之悞曰此胎脉也氏羞忿懷利刃請診醫如前言遂剖腹自明以卒聞者驚嘆

杜氏毛志嘉妻守節六十年

蔣畹蘭顧勲聘妻幼明慧通大義年二十三勲歿訃至號仆遂病寄語夫兄治弟葬必容兩棺植勲終七乃卒夫兄迎柩合窆

以上雍正十三年前

王氏宋彥登妻夫亡子幼藜藿自甘守節四十餘年署知州金鴻給茹荼畫荻額

湯氏寶山富家女贅王均爲婿均貧氏父母薄之不加禮氏卽與均辭去均投徒氏勤女紅自給雍正十一年海溢均歿於水父母幸婿死得更擇佳婿不復求均屍氏命家僮阿牛求之久之得屍歸旣殮父欲火化氏不可均有田十二畝父懷其十餘二畝氏以埋均誓守志且時以粟麥錢布陰餽舅姑次年遺腹生一女時父母已潛與嘉定某家議婚至期劫氏納肩輿中行旣至猶哀哭不休夜深伺守者懈遂自縊初父逼氏行時奪其

周氏凌毓秀妻

王氏屠國儀妻

顧氏毛敏中妾

王氏汪興桂妻

吳氏曹宸妻

朱氏吳熙麟妻

葉氏吳廷嗣繼妻

王氏江俊妻

時氏張天錫妻年三十而寡嗣姪爲後學政梁國治給

礪草流芬額

朱氏王靖妻年十九而寡足不踰閭者數十年學政梁

國治給竹柏之懷額

葉氏張尙楫妻夫歿事舅以針黹爲活無何叔夫婦雙亡舅亦繼逝氏喪祭盡力撫姪爲嗣守節垂三十年

范氏陸國珍妻夫亡守節乾隆三十年知州給霜清玉純額

呂氏顧佩敏妻夫亡事舅姑養葬盡禮嗣媳唐氏亦二十七而寡姑媳相依呂守節五十餘年卒唐今守至二十六年

李氏羅相觀妻早寡耕織度日撫孤成立守節四十九年

王氏瞿霖妻夫歿撫孤矢志亦不歸寧鄉居竟歲鍵外

戶與叔舅比鄰非令節不至其家未幾子夭鬻產營葬數喪守節十九年卒

戴氏周元妻夫歿年十八孝事舅姑及歿生養死葬如禮後歸依父居教孤炎成立守節四十餘年

李氏蘇大妻守節三十九年

何氏錢華廷妻早孤撫孤洪敘守節四十年

沈氏許字顧松九歲爲養媳十六夫亡氏矢志不奪奉姑至孝守貞五十一年

王氏陸溥妻夫歿撫孤孤夭又撫嗣孫成立守節四十五年

朱氏曾樸妻早寡事姑孝紡織營生教子成立守節三

十六年

顧氏趙士鉉妻夫歿撫兩孤一女俱成立守節五十三
年

顧氏楊天敘妻早寡姑年老遺孤八歲仰事俯育取
十指未幾子天典質營葬舅姑及夫愜守節三十五年
周氏毛沛蒼妻撫嗣子守節三十年

施氏錢鼎桂繼妻夫歿紡績自給訓妾周氏所生若烟
若煒俱成歲貢施守節三十餘年周亦同守三十二年
狄氏邱氏俱王嘉穀妾嘉穀歿飢寒自忍紡織營生歷
數十年如一日嗣子家業中落終無怨言狄守節三十
八年邱守節四十三年

以上乾隆四十年前

程氏楊集繼妻年二十九寡事舅姑孝善理家政守節四十年卒存時其子煌常欲其母請旌氏曰我守我義毋圖身後名也遂不果集妾王氏亦同矢志與程同年卒守節四十年

吳氏周起宗妻婚月餘夫歿家中落傾笥以事舅姑奉侍八載生養死葬幼叔孝思暨兩姑婚嫁悉資之守節二十一年卒以孝思子大生爲嗣

金氏沈廷綬妻夫歿拮据治喪撫遺腹孤天昇成立紡織自給守節三十年

孟氏王蒼妻年十九夫歿無子焚香茹素守節二十八

年卒

李氏王文芳妾年十九文芳歿先是文芳娶於馮氏早卒遺孤尙幼見氏端謹納之命撫其孤氏謝曰妾賤不可執家政願更圖之因娶繼妻旣歿婦撫孤矢守文芳弟某謀奪其志不從杖遂之悲泣不欲生一日挽孤髻流涕曰爾善事繼母出錢二百畀之子方幼不知云何走告諸母急入視已自經死

黃氏顧萬程妻二十四歲寡守節六十餘年

王氏呂師度聘妻年十三過門成服守貞三年以哀痛卒

屠氏顧洽繼妻守節三十八年

張氏子上女幼穎悟父教之書過目成誦授以女紅如素嫻習者嘗竊聽父兄講授生徒無不了了既長聞父母議字謝曰兒願終身侍父母也親歿矢志不嫁依兄嫂年四十三卒

錢氏楊愷妻年十九夫歿有遺腹孤又不育撫從子振邦爲嗣教之成立勤織紉日成三布易粟以供饘粥守節三十餘年

徐氏王松曾妻夫歿家貧兩孤鉞鈞皆幼屬叔景曾教之撫養成立事姑尤謹養葬盡力守節五十餘年

沈氏陳集鳳妻早寡事舅姑撫孤兒俱藉十指自給後孤聚奎補庠生守節五十一年

蕭氏王蘊清妻夫歿欲以身殉舅姑阻之未幾舅卒乃葬舅及夫事畢自縊死年二十七

吳氏張麟瑞妻夫歿家貧撫嗣文河成立守節三十四年

奚氏何維周妻守節五十四年子煥章聘妻張守節三十七年

凌氏孔廣珍妻早寡孤昭初甫二歲撫之成立事姑盡孝家貧拮据營葬夫柩守節二十年

張氏朱憬妻年二十一寡遺孤際昌生未兩月孝養老姑取給十指孤長督課之爲諸生

曹氏王某妻年十八而寡宗黨欲奪其志誓死自勵嗣

子娶未幾亦卒姑媳相依曹守節五十餘年

王氏陸楚池妻夫亡無子紡織奉姑姑歿氏欲隨死親戚阻之又潛自投繯婢救得免守節三十年卒

方氏邵士濤妻夫歿撫嗣孤基宇及長而娶婦歐氏嗣基宇又歿姑媳相依方守節四十年

顧氏周長孺繼妻年十九而寡平居動以禮法守節三十三年

黃氏龔植妻早寡敬事老姑既歿葬舅姑及夫三喪嗣子烈娶婦而夫因哭子失明旋卒守節三十年

高氏楊景園妻性貞潔壁鄰罕見其面夫亡欲殉親戚勸止及七終乃謂子曰汝父亡家無餘資所有箱籠二

與汝妹均分之我將從汝父於地下矣子尚幼不省氏乘隙懷刃拜夫靈從容自刎

錢氏盧大文妻婚十七日夫歿藉針黹度日敬事舅姑養葬盡禮兩嗣俱早夭艱苦益甚守節四十四年無疾卒

唐氏周欽妻夫歿蔬布自甘撫教兩孤成立守節四十五年

郭氏金間禮妻夫歿欲殉姑諭之止乃紡織奉姑姑歿哀禮兼盡撫孤成立守節三十年

周菊隱顧芳新聘妻夫歿母家矢志至戚罕見其面年七十三卒

趙白字若秋幼貞靜有至性年十七父遭危疾跪禱養神刲左臂刀鈍不可殊齧斷投沸湯肉縮如豆俟父口灌之遲明召醫至醫詫曰是飲何藥脉皆起矣病遂愈徐氏年十六許字戴明揚夫歿守貞五十三年

蔣氏小名佛父宏康早卒無子未幾母亦歿氏長齋誓不字人與伯父及嗣弟同居所業悉以歸公生平不嬉戲不嗔怒年六十四卒

某氏居白米涇父饒於貲欲爲女聯望族許字舉人某之子某貧不克娶父欲改字氏不從不得已嫁之未幾夫歿父又欲嫁之誘歸數令女戚譏諭氏佯曰事固可商能葬我舅及夫當如父命許諾爲卜地安葬氏拜墓

絕而復甦者再得開抽刀自刎卒

翟氏馮琮妻早寡家貧無子守節五十餘年

金氏施泳妻年二十寡時方姪誓曰生男則生女則死
明年生男矢志守節舅以年幼屢諷改適氏曰舅謂婦
畏死耶欲自經舅謝止之畊田自食卒年五十三

陶氏張祥麟妻夫歿無子紡織奉舅守節六十一年

張氏蕭應鳳妻妾管氏應鳳豪舉家產蕩廢歿後二氏
皆青年忍苦力作稍稍復之張有老母無依迎養終其
身管事主母尤盡禮管守節二十四年卒張哭之慟尋
亦卒

張氏曹典觀妻夫歿撫姪爲嗣又天子然一身守節五

十六年

顧氏金維恭妻婚七月夫歿織紉自給守節五十四年
呂氏周藻元妻夫歿截髮矢志撫姪楷爲嗣旋天又撫
姪梧成立守節三十餘年

楊氏錢步雲妻早寡矢志舅歿盡哀盡禮嫁兩姑撫孤
娶媳守節二十八年卒

唐氏龔大綰繼妻早寡事舅姑兼子職撫前妻二子如
已出遺孤娶婦復天姑媳相依守節四十八年

宋氏錢德懋妻早寡孤廷桂尙幼端嚴貞靜藉十指度
日性嗜書曉大義卒課廷桂爲諸生守節三十年

顧氏滕之璽妻年二十八姑卒舅與夫相繼歿治喪葬

哀勞屢瀕於死撫遺孤成立守節二十四年卒

王氏金宗岐妻夫歿孤幼十指營生安葬舅姑撫孤娶媳未幾孤媳俱亡哀傷病卒守節三十六年

顧氏黃再恒妻夫歿孝事孀姑嫁兩女辛勤紡織佐叔襄理葬事既嗣子亦夭守節三十年

聞氏黃二觀妻夫亡無子紡織度日營葬舅姑乃夫三喪守節三十五年

錢氏陸世昌妻早寡事姑孝養兼盡撫二孤讀書成立守節二十一年

陸氏張文占妻守節五十餘年

金氏曹惠占妻守節三十四年

梁氏吳德裕妻守節四十五年

王氏趙九苞妻年三十寡守節三十九年

王氏馮俊妻自幼歸馮爲養媳姑病革與老嫗同侍牀下氏趨去久不至嫗往廚中跡之見氏長跪方持刀割臂肉血淋淋下熟以進姑時年十八事舅及後姑尤盡禮總內政妯娌雍睦教二孤復恒俱成立卒年四十五復州諸生

何氏黃楷妻婚半載楷亡氏絕粒數日而歿時年二十二

朱氏陸大樹妻夫歿絕粒五日姻親勸慰乃立後時姑年已老視寒煖進甘旨以代子職歿後喪葬如禮教嗣

子以義方經營聘妻守節三十年

陸氏顧梓材妻守節二十四年卒

汪氏歙縣人適胡浩早寡家貧事舅盡孝以姪諸生文蔚爲嗣守節四十九年

戴氏崑山人年二十適趙鳳冲明年生子念椿而寡孝事舅姑撫孤成立守節三十一年

李淑字芳蘭明慧婉順善承膝下歡母尤鍾愛母病篤日奉湯藥扶持抑搔曲體備至至夜焚香額天願以身代母尋愈而淑積勞成疾恐傷父母心猶自諱之未幾卒

蕭氏錢大彬妻早寡兩叔皆幼事舅姑生養死殮獨力

營辦賣衣珥爲仲叔娶婦仲卒撫姪爲嗣紡織度日守節四十二年

王氏陸右尊妻夫歿孤幼姑年已六旬卽事俯育俱藉十指姑歿出資二十金以治棺泣曰此予十年積累以備今日需也守節四十五年

劉氏張益妻年十九而寡撫孤庭桂成立後庭桂感母節欲請旌氏不可惟教以謹言行安親地下爲要守節五十餘年

王氏趙鴻妻早寡舅姑垂老養葬獨任爲叔娶妻生子籍撫以爲嗣教養成諸生守節五十三年

徐氏葉庭棟妻守節五十一年

熊氏陳堯勲妻歲大飢夫外出忍餓待盡有餽米誘之者拒不受卒與子女五人皆縊死

俞氏顧蔭來妻夫亡將殮自縊死

侯氏盛玉女孀父母孝誓不婚配紡績自給年逾六旬撫弟子志加爲子依倚以終

徐氏時兆昌妻守節五十餘年

董氏熊大棟妻夫亡撫孤其昌成立

陸氏熊某聘妻某歿守貞終身

王氏金懷祖妻少諳大體歸四載懷祖歿益刻苦勤儉姑卧病久調奉湯藥飲食及更換污穢物毫無厭怠姑泣謂曰願來生報汝德也撫遺腹孤成立守節二十四

年

顧氏黃介山妻早寡家貧撫孤矢守族人欲奪其志氏面誓之大慚而去自是操勵益堅後孫順發欲請旌氏阻之卒年八十九歲

沈氏張玃妻年二十三寡無子以女紅所積營葬夫柩守節終身

宋氏陸壽妻年十九而寡撫嗣子成立守節終身

郁氏錢樞妻年三十寡撫孤焯成立苦志守節終身

周氏顧佩蘭聘妻年二十三佩蘭歿守節終身

沈氏馮文蔚妻年二十九寡守節終身

劉氏金起鳳妻年二十八寡苦志守節撫孤宏圻娶婦

王氏年二十七亦寡守節終身

張氏周文佐妻年二十三寡守節終身

宋氏陸潛妻幼有孝行嘗割臂療親疾年二十寡守節終身

丁氏黃希尹妻年二十二寡守節終身

金氏熊大棟妻年二十六寡守節終身

周氏王富妻年二十九寡守節終身

李氏沈英蔚妻年三十寡守節終身

吳氏徐必顯妻年二十二寡守節終身

龔氏班全忠妾年二十六寡守節終身

王氏趙羽九妻年二十二寡守節終身

馬小多胡維吉妻年二十一維吉卒氏欲殉以有娠未
卽死旣生子五月而殤遂自縊死知州鰲圖作傳紀之
以上乾隆六十年前

胡氏毛詡妻年二十三寡現年八十一

宋氏陸浩妻年三十二寡撫孤愷爲增生現年八十二
劉氏陸冠芳妻年二十三成婚月餘而寡現年五十二
王氏余廷顯妻年二十一寡現年六十六

何氏楊二觀妻年十九寡撫嗣元龍守節現年七十六
孫氏陳揆繼妻年二十五寡撫孤聞鶴守節現年七十

二

林氏贅沈鳳山爲婿年二十四婿亡無子依母同居現

年五十九

張氏蕭燄妻年二十四撫二孤邦直邦彥守節現年五十三

顧氏陸可大妻年二十五寡現年五十一無子守節
陸氏周士達妻年二十九寡撫孤節芳傳芳守節現年五十一

顧氏錢志煥妻婚五載而寡子甫週歲敬事孀姑姑歿
拮据營葬教孤成立現年七十三

陸氏吳德先妾年十九夫歿佐嫡苦守敬事翁姑訓子
成立現年五十九

陸氏盛世珍妻年二十二寡紡績度日撫孤成立現年

七十一

高氏陸民立妻年二十三寡事姑能色養甘旨必備及
歿拮据營喪葬撫孤成立現年六十三

王氏顧鶴田妻年二十七寡撫嗣子耕佃度日現年六
十三

唐氏顧鏡千妻年二十四寡撫遺腹孤周成力田守節
現年六十一

徐氏周殿英妻年二十五寡遺腹生子廷桂同姑盛氏
撫育之兩氏孀居熒熒孤苦奉姑十三年藉給十指姑
歿喪葬盡力現年七十九

錢氏陸均妻年二十四寡遺兩孤學錦學欽俱幼氏辛

苦撫教成諸生現年五十五學欽中嘉慶五年舉人
龔氏陸松妻年二十六寡食貧孤苦事兩世舅姑甘旨
無缺孤早殤撫教嗣子現年五十五

包氏張樽聘妻年二十一樽歿卽斷髮矢志奔喪成禮
立姪煥爲嗣尋殤又撫幼姪瑞爲後親自教養現年四
十五

黃氏金士凝妻年二十寡紡織奉姑以成夫志姑歿喪
葬盡禮現年五十二

張氏凌決繼妻年二十六寡撫遺孤本樸衣食不給叔
之潞常周之氏仍以織紉度日積所餘爲夫及兩前妻
營窀穸并作本樸束修費課教得成立現年七十一

凌氏陳士彰妻年二十七寡遺腹不育欲以身殉姑阻之奉事孝謹姑歿盡禮家貧衣食俱出十指現年六十七

顧氏張觀儀妻年二十四寡撫孤天玉教以讀書以紡織所畜葬舅姑及夫三喪現年六十六

柴氏朱天寶妻年二十九寡撫孤成立現年六十八

陳氏屠茂如妻年二十七寡事姑孝謹撫四歲孤逢泰早歲爲諸生現年五十三

張氏周志良妾年二十五寡正妻先亡無子女又有妾沈氏遺腹生子甫八月沈亦卒氏催乳養育紡織度日卒撫其子成立現年五十

張氏陸春妻年二十九寡家貧撫孤效績成立現年六十二

張氏盛宏遠妻年二十八寡歸母家紡績自給撫孤成立現年六十三氏有妹適王之經年二十六寡嗣姑與本生舅姑相繼歿執喪盡禮紡績操作勉力營葬並置嗣爲後現年六十

陳氏傅洪鈞妻年二十三寡事姑誠敬紡織以供衣食撫孤念堂長能習醫術現年六十三

邵氏

妻年二十九寡無子守節現年八十四

徐氏呂元良妻年二十寡姑方氏年逾八十孝敬不少衰撫孤瀛奎成立現年五十

俞氏高鵬揚妾年二十五寡與妻余氏同撫嗣孤孝事
孀姑紡績度日及余相繼歿殯葬如禮現年五十七

季氏方起英妻年二十三寡奉事祖舅姑及姑能得堂
上歡撫嗣彥倫成立現年五十五

汪氏沈含章妻年二十夫歿無子哀慟欲殉時祖姑在
堂勸解始受命侍奉十三年祖姑卒典衣服治喪中禮
自以紡績度日并所積營葬三世現年五十

王氏顧世榮妻年二十一寡孝養舅姑越十五載叔德
明生子建章甫五月建章母歿氏爲撫養訓課成立現
年六十九

吳氏徐丕文妻年二十二婚五月夫歿孝事舅姑常以

女紅佐養歿後竭力營葬遺腹孤早夭以姪宗維爲後撫之成立現年七十八

黃氏錢謹妾年二十七寡撫二孤成立營葬舅姑及家長正妻四喪現年五十六

蕭氏邢禧妻年二十五寡現年五十九

王氏邢文在妻年二十二寡現年五十六

顧氏周丕親妻年二十七寡現年七十二

王氏張宗尹妻年三十寡現年七十二

吳氏張貽孫妻年二十八寡現年六十八

張氏吳光德妻年二十七寡現年六十二

趙氏朱瑤芝妻年二十六寡現年五十九

吳氏張朝昇妻年二十七寡現年五十六

朱氏顧星發妻年三十寡現年五十九

趙氏曾植妻年三十寡現年六十七

陸氏沈賓王妻年二十二寡現年五十

王氏陸鶴籌妻年二十寡現年四十四

張氏趙世琛妻年二十七寡現年六十五

陸氏潘應占妻年二十八寡現年五十一

陸氏陳本立妻年二十六寡現年五十八

潘氏熊雲升妻年二十四寡無子嗣族姪晉康爲後針

耑度日翁姑相繼歿嗣子亦天竭力營葬教養嗣孫現

年七十六

郭氏尹維恭妻年三十寡家貧無子現年五十九

陸氏楊繼高妻年二十六寡家貧無子女奉事翁姑養
葬盡禮近族無可嗣恩撫幼甥度日現年四十六

顧氏金與同繼妻年二十五寡無出撫前妻子成立力
爲其舅及夫營葬紡織度日孀姑年逾大耋奉養得歡
心現年四十八

陸氏朱國鏞妻年二十二寡力田撫孤天錫成立現年
七十五

方氏郁爾昌妻年二十九寡現年五十八

尹氏葉應春妻年二十五寡現年六十八

顧氏陸肇華妻年二十九寡紡織養姑既姑歿拮据營

葬撫孤娶婦生三孫未幾孤與三孫相繼而夭備嘗艱苦現年六十三

葉氏張鼎元妻幼有女德以鼎元疾篤成婚侍奉湯藥半載夫亡氏年二十七自誓死守嗣姪爲後家素貧事舅撫孤備嘗艱苦舅歿家益落百計措持喪葬現年五十二

吳氏張士才妻年二十五寡無子侍奉兩世舅姑以一身代子孫職養葬盡禮嗣姪爲後撫養備至今就傅夜常紡織伴讀卒得成立現年五十五

樊氏何宗武妻年二十二寡孝養舅姑撫孤成立現年六十七

馬氏黃楫之妻年二十寡家貧事孀姑盡養現年五十

黃氏張季思妻年二十七夫歿家貧撫遺腹孤奇南成立現年七十五

張氏吳昌業妻年二十八寡家貧無子嗣紡織度日現年六十一

劉氏顧鏐妻年二十六寡遺二女俱幼家貧無倚舅姑又多病氏慟不欲生絕粒三日舅姑勸止紡績自給仰事俯育其後營葬諸喪撫姪爲嗣卒得成立現年七十

徐氏曹榮祖妻年二十七寡家貧無嗣舅年老卧病氏

侍湯藥者三年及卒盡哀禮現年六十四

俞氏顧足妻年二十五寡依母家守志早夜紡織養親并營舅姑及夫葬現年六十四

孫氏濮履信妻年二十八寡撫遺腹孤姑成立現年六十六

陳氏張夢珠妾年二十夢珠及正妻蔡氏相繼歿孤尙全甫四歲氏借姑章氏教養及長又天聘婦李氏來歸共事老姑養葬盡禮現年六十二李本新陽人年十九過門奉事庶姑及二十年亦盡孝

周氏錢兆熙妻年二十四寡撫孤掄選娶婦而天無子氏與媳陸氏同撫嗣孫金詔現年五十七

陶氏許字董天家貧不能娶氏紡織自給夫歿氏年已四十二有論婚者堅拒之備質度生誓不再字現年五十五

陸氏許字吳元佐元佐歿氏年二十四聞訃引刀自刎家人救止之兄某亦早卒氏遂與嫂劉氏同居矢志三十年如一日父病日夜籲天兩膝皆腫現年五十二

鎮洋縣

國朝

胡氏方子齡妻夫亡撫孤樹德成立守節五十四年旌
高氏陸世仕妻守節四十八年妾唐氏守節六十七年
並旌

顧氏邢文傑妻守節四十餘年旌

顧氏朱士麒妻守節四十九年旌

陳氏胡元翰繼妻守節三十餘年旌

張氏王揖義妻守節三十餘年旌

閔氏周燦妻守節四十餘年旌

朱氏郁煒妻孝事孀姑葬舅姑及夫三柩守節四十餘年旌

以上雍正年間旌

陸氏陳如鏞妻守節四十餘年旌

王氏張天球妻守節三十餘年旌

聞氏陸璜妻守節三十餘年旌

柴氏曹有珍妻守節三十餘年旌

洪氏汪邦樞妻守節三十餘年旌

陸氏王文峻妻守節四十餘年旌

陳氏王址妻守節五十餘年旌

范氏王宜耀妻守節三十餘年旌

陸氏唐禹功妻守節四十餘年旌

錢氏陸子丹妻十九而寡族人與其兄謀改嫁氏聞引

刃截左耳樓居五十八年年七十七卒旌

吳氏陸彤妻守節二十八年旌

羅氏蕭允昇妻守節三十三年旌

黃氏郁炯妻守節二十七年旌

王氏周致恪妻守節四十六年旌

王氏楊鼎妻守節四十五年旌

趙氏王偕聘妻偕亡氏聞訃來歸奉舅姑絕不往父母家守節三十餘年旌

李氏陳于惺妻守節三十餘年旌

顧氏盛份妻守節三十餘年旌

陳氏張良輔妻守節三十九年旌

倪氏黃履吉妻守節六十二年旌

周氏王之滉妻守節五十一年旌

王氏金彥威妻守節三十餘年旌

郭氏沈雲韶妻守節三十餘年旌

呂氏顧我敬妻夫死未葬會失火氏抱棺號泣誓俱燼
火旌媳守節五十年旌

徐氏張琯妻守節四十三年旌

錢氏黃永卿妻守節五十七年旌

張氏盛大禮妻守節二十五年旌

季氏郁兆枚妻守節三十九年旌

毛氏蕭濬發妻守節三十餘年旌

陳氏張受圮妻守節四十餘年旌

吳氏潘聖時妻守節三十餘年旌

徐氏周邦祚妻守節三十餘年旌

李氏任維屏妻守節四十餘年旌

王氏杜緒祖妻守節三十餘年旌

葛氏馬煜妻守節三十餘年旌

汪氏王瑞琪妻守節三十餘年旌

陸氏顧璞妻旌

錢氏陸祖襄繼妻早寡撫前妻所生女如已出奉舅姑
以孝稱守節五十一年旌

何氏楊鏡妻守節三十餘年旌

汪氏金本妻守節三十年旌

胡氏沈大德妻守節十九年旌

金氏蕭侯妻守節三十四年旌

徐氏顧拔妻守節十八年旌

陳氏俞仁甫妻守節三十八年旌

錢氏張卿臺繼妻守節三十九年旌

顧氏王修妻守節十六年歿旌

季氏吳明嶠妻守節三十九年旌

曾氏顧玉鉉妻守節三十餘年旌

顧氏王照妻守節三十年旌

周氏楊尉元妻守節三十三年旌

周氏汪煥妻守節三十七年旌

吳氏郁壘妻夫亡無子姑老事之極孝守節三十餘年

旌

張氏李之彬妻旌

周氏金克明妻守節三十二年旌

顧氏王槐妻守節三十八年旌

孫氏李永吉妻守節三十三年旌

聞氏王大受妻夫亡孝養翁姑撫長子文徵成進士守節六十年旌

王氏徐士榮妻婚一月而寡操女工以養舅生死盡禮守節三十餘年旌

吳氏汪瀚妻守節二十六年旌

陳氏邵子立妻守節三十一年旌

陳氏李震妻守節十六年歿旌

杜氏李學泌妻守節五十一年旌

陸氏顧學詩妻守節十九年歿旌

葉氏張景平妻守節四十年旌

楊氏明曾起元妻年二十七寡無子置嗣乙酉六月遇
兵匿荒塚中兵挾之走氏堅拒引領曰速殺我我守節
已十年不可辱也兵怒砍數刀絕而復蘇卒以善終旌

楊氏曾環妻守節四十五年旌

顧氏汪燦聘妻守節三十餘年旌

史氏明沈文明妾守節五十六年旌

王氏盛佺妻旌

徐氏顧照妻旌

沈氏汪邦桷妻旌

管氏王廷楨妻旌

周氏沈昌瀨妻守節三十一年旌

馬氏沈大謨妻守節四十五年旌

王氏龔純妻旌

呂氏王星妻守節二十五年歿旌

許氏浦璫妻守節五十五年旌

沈氏王上林妻旌

陳氏陸殿臣妻旌

嚴氏徐有慶妻旌

沈氏黃汝麟妻旌

張氏趙熙繼妻旌

王康人等

卷之三 人物

列女

七

張氏王文杏妻旌

蔡氏吳廷松妻守節四十三年旌

金氏朱雲翥妻守節二十年旌

郁氏江瑞旭妻旌

薄氏侯邦圻妻旌

錢氏倪嘉謨妻旌

李氏侯邦讓妻媳張氏亦守節並旌

潘氏張洪義妻旌

許氏王士英妻旌

黃氏孫秉愷妻旌

顧氏孫秉衡妻旌

龔氏張廷銓妻旌

張氏徐介錫妻旌

梁氏王君衡妻旌

以上乾隆十年前旌

謝氏楊子熊妻旌

王氏吳來極妻旌

羅氏徐旭林妻夫歿子天守節五十餘年旌

王氏童碩妻旌

張氏陸鴻俊妻旌

王氏吳文謨妻旌

王氏何宏聲妻旌

張氏陶琦妻旌

王氏林徐筠妻旌

金氏王履吉妾旌

邵氏董澄妻旌

王氏施筠繼妻旌

顧氏王棟妻旌

管氏金德球妻旌

毛氏張垣妻旌

周氏陳繼宗妻旌

唐氏徐齡錫妻旌

陸氏俞永昌妻旌

潘氏郁全斌妻旌

毛氏胡虞允妻旌

周氏黃令韶妻旌

錢氏顧懷臯妻旌

陸氏王集聖妻旌

朱氏許孫貽妾旌

周氏濮陽咸

一作陽城

妻咸運漕死於京師無子氏年二十

七守節旌

陸氏董昱妻昱亡五日不食承舅命稍進糜粥舅姑既歿與衣服營葬室牆圯有無賴子窺之氏危坐三夕檢篋中錢二百市魚蔬懸舅姑及昱像設奠而自經年二

十六旌

以上乾隆二十年前旌

張氏顧玉成妻旌

蔣氏桂棠妻旌

沈氏吳維敬妻旌

張氏孫坤妻旌

李氏楊名世妻旌

王氏李金澄妻旌

李氏吳循轍妻旌

郁氏金石麟妻旌

朱氏李堦妻旌

毛氏陸勛牧妻旌

陸氏錢展成妻旌

以上乾隆三十年前旌

周氏黃紹謨妻旌

丁氏桂邦妻旌

陳氏潘之濟妻旌

沈氏張仁輝妻早寡與妾徐氏同守節長齋奉佛並旌

顧氏朱文炳妻旌

錢氏許照妻旌

張氏侯暉妻旌

徐氏毛曜繼妻旌

周氏唐天極妻旌

錢氏吳維弼繼妻旌

王氏陳吉士妻旌

董氏吳文徵繼妻旌

屠氏顧金策妻旌

以上乾隆四十年前旌

馮氏吳光宗妻旌

王氏季國棟妻旌

沈氏胡樹玉妻旌

龔氏聞思睿妻旌

夏氏朱敘妾年二十七而寡父母欲奪其志氏絕之終

不歸寧撫子大庭中副貢生倫成諸生旌

余氏吳懷理妻旌

陳氏施孝基妻旌

余氏吳德亨妻旌

以上乾隆五十年前旌

毛氏錢鴻聲妻旌

郁氏邢紹宗妻旌

許氏陸南棠妻子陳甫妻張氏並旌

李氏俞金桂妾旌

張氏李希文妻旌

王氏陸胥妻旌

戴氏呂廷楨妻旌

紀氏陳濂繼妻事姑孝撫前室子如已出越二年夫亡
尋生女謂諸姒曰以此相累家人防少弛投屋後池中
死旌

胡氏吳起鳳妻旌

馮氏許元琳妻旌

方氏郁爾昌妻旌

錢氏徐基妻旌

以上乾隆六十年前旌

李氏方起英妻旌

金氏吳廉諤妻旌

以上嘉慶元年旌

張氏蕭三桂妻年二十七寡守節三十五年現存嘉慶三年旌

歐氏沈振宗妻旌

李氏錢詩妻旌

蔣氏顧勲聘妻未婚貞烈女旌

以上嘉慶三年旌

國朝

王氏陳天祚妾守節四十三年

張氏王曦繼妻年二十一寡無子守節五十一年

歐氏年十九歸王正烈姑嘗猝患風噤氏稽顙籲天割

臂血和藥以進疾頓蘇年三十三夫亡拮据矢志親戚
不令入內堂守節四十五年學政劉墉給壺範垂光額
林氏施廷德妻撫孤守節三十五年知縣平其政給節
並松筠額

趙氏張聲妻年二十一寡無子守節知縣平其政給矢
志柏舟額

浦氏周時昌妻夫亡撫遺孤成立守節五十一年

以上雍正年間

楊氏陳揀繼室守節五十八年

汪氏王愷妻守節四十年

吳氏周燦南妻年十九夫亡事舅姑盡孝年二十七卒

楊氏許純嘏妻居夫喪顏其室曰慕潔居卒年七十四
黃氏許純熙妻守節三十三年

李氏周潮聘妻夫歿奔喪守志年六十八卒

韓氏王磐妻事舅姑內外無間言磐病篤氏曰設有不
諱當以身殉及歿以哀毀嘔血死年二十八

蘇七娘十四都人蘇某妻守節五十年

陸氏許桂妻奉姑孝能先意承志典質助夫安葬祖舅
姑暨舅三柩紡織供甘旨姑患目疾跪舐之年三十七
染瘵疾復喪幼子哀慟臨危謂夫曰上未報姑下未相
夫死有餘恨矣

曾氏盛森桂妻少通孝經年二十三于歸明年冬舅姑

皆病疫侍奉月餘衣不解帶姑欲食鮮魚凍不能致刲股肉以進舅歿家貧日織布二疋藉以養姑寒暑不輟遭勞疾卒年三十七

周氏楊視旋妻守節二十八年

王氏許字吳大家年二十大家歿父母欲令改適以死自誓卒歸吳氏後以哀毀成疾卒

王氏蔡天佑妻早寡養姑撫孤備嘗荼苦雍正十年秋海溢姑與夫柩漂失氏沿海尋求卒於蘆蕩中獲之得安葬年七十九而歿

李氏吳琬妻守節三十三年

胡氏吳之昌妻守節三十二年

郁五姐徐思振聘爲繼妻思振遠慕不歸五姐父母暨兄俱歿獨居紡績度日鄰人憐之勸曰汝夫外出三十載且無消息守何益五姐怒痛哭赴水死

陸氏顧受謙子某聘妻年十九某卒守貞六十年

陸氏顧文焯妻年十九夫亡守節三十三年

金氏毛協妻守節六十六年

顧氏龔廷璽妻早寡教子敬石孫典書俱成諸生守節六十五年

陸氏聰俊女幼時父母俱病氏奉事極孝誓不適人服養終身卒年五十一

李氏周涵妻守節四十八年

范氏周鴻妻早寡教子鏡成諸生守節三十四年

黃氏季冲飛妻年十九夫歿教子增成諸生守節二十八年

胡氏陳億妻夫歿遺二孤皆早夭撫孫成立守節四十八年

支氏張仲昌妻守節三十三年

顧氏戴紹宗妻早寡無子事姑盡孝撫嗣子城爲諸生守節三十一年

周氏吳大田妻夫歿家貧姑老生養死葬俱盡禮撫三歲孤生習成立守節三十七年

王氏周斌進妻夫歿撫孤矢志逾年孤殤遂撫姪恒未

幾又殤越五年更撫姪怡爲子守節五十八年

郁氏周緇妻守節三十四年

周氏呂大來妻守節五十年

以上乾隆年間

錢氏盛樸繼妻年二十三寡號痛觸地絕而蘇者四紡績自給撫嗣大士中嘉慶五年舉人現年六十四

陸氏蕭枋妻年二十三寡孝事舅姑養葬盡禮撫姪掄爲後教之成諸生現年七十五

蕭氏毛清妻年二十四寡無子嗣姪克昌又夭復撫族孫復曾爲克昌後現年五十七

張氏蕭三桂妻年二十七寡家貧姑病瞽扶持先後孝

養終身訓孤瑾有義方現年五十八

陸氏吳維諤繼妻維諤會試卒於闈中氏年二十五撫前妻沈氏子震文春潮紡織餬口教養成立現年六十

六

張氏王淞妻年二十五寡無子一女又殤十指操作以養孀姑及歿喪葬盡禮現年六十九

季氏張瑾妻年三十寡事舅姑養葬盡禮撫孤啟成立現年七十二

浦氏郁鐸妻年二十一歸鐸未朞年而寡守志遇親長未嘗見齒撫嗣姪瞻洛教養兼至比長娶媳陸氏以賢敏稱婚十月瞻洛歿氏年二十三事姑尤意承歡撫教

遺腹孤之翰成立浦現年六十九陸現年四十八

姜氏吳芝昌妾年二十三寡佐嫡撫兩孤毓駕毓鸞俱成立現年六十五

蕭氏孫俊繼妻年二十八寡無子俊本徽州人流寓鎮洋舅姑無人可嗣藉氏十指以供甘旨及舅姑相繼歿經營殯葬皆盡禮現年五十八

楊氏張篁庭妻年二十八寡奉侍舅姑時姑錢氏年七十餘卧病扶持不懈及歿俱勉力殯殮中禮撫孤晉錫娶婦並夭無嗣現年五十五

陸氏熊炯聘繼妻年十九炯病瘵死訃至乞歸熊母許之舅姑年老嗣孤尙幼家貧黽勉仰事俯育以及成立

舅姑相繼歿哀禮兼盡現年四十五

馮氏陸大昕妻舅病瘋姑亦常病百方調治年三十而寡舅姑繼歿喪祭盡禮撫兩孤霖霖皆教養成立現年六十

趙氏李昌熾妻年二十八寡家貧勉理喪葬撫嗣孤基爲諸生現年六十九

龔氏黃芬妻年二十一成婚二十四日芬歿嗣孤思蓼弱冠而夭又撫孤孫成立翁姑及夫三柩皆一力營葬現年七十四

錢氏羅致賢妻通文理熟於四書年二十二成婚二十餘日致賢歿家貧無嗣歸依父母及父母歿無兄弟氏

朝訓蒙夜紡織以自給積貲葬舅姑及夫柩現年六十
七

尹氏顧痛繼妻年二十六寡生子怙懷甫週歲奉事老
姑撫前妻子無異已出襄理喪葬教怙懷讀書成立現
年五十四

陸氏顧駿譽妻年三十歲寡事姑養葬盡禮子某娶後
夫婦繼歿氏又撫遺孫教以讀書現年六十

李氏錢詩妻年二十八寡姑病足艱於起卧氏出入扶
持二十餘年家貧夜半猶紡織甘旨無缺教子錫榮爲
諸生現年五十四

曾氏張文若妻年二十四夫歿無子積紡績貲葬舅姑

及祖母柩撫姪楷爲嗣教之讀書砥行得成諸生現年六十一

趙氏聞鑑妻年二十八寡養姑盡禮撫嗣孤國奇成立現年六十一

龔氏徐受益妻年二十三夫歿絕粒求死姑曲諭之勉從命奉事尤謹撫嗣孤銘成立現年七十七

生員

王坤校
侯荃

直隸太倉州志卷四十三